

BOSNA I HERCEGOVINA
FEDERACIJA BOSNE I HERCEGOVINE

VLADA

BOSNIA AND HERZEGOVINA
FEDERATION OF BOSNIA AND HERZEGOVINA

GOVERNMENT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ

ВЛАДА

Broj: 03-02-539-1/23
Sarajevo, 15.09.2023. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gđi Adisi Kokić-Hinović, zastupnici

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		18-09-2023	
Org. jed.	Broj	Priloga	Vrijednost
01	-02-	1728	/23

Veza: Vaš akt broj: 01-02-1728/23 od 19. lipnja 2023. godine

Poštovani,

U pravitku Vam dostavljam akt Federalnog ministarstva pravde, broj: 02-45-2245/23 od 01. kolovoza 2023. godine.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 02-45-2245/23
Sarajevo, 01.08.2023. godine

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

VLADA FEDERACIJE BOSNE I HERCEGOVINE
n/r tajnika Edita Kalajdžić

PRIMLJENO: 15.09.2023			
Organizaciona jedinica	Klasifikaciona oznaka	Redni broj	Broj priloga
03-02-		539-1/	2023

PREDMET: Prijedlog zaključaka koje je predložila Adisa Kokić – Hinović, zastupnik u Zastupničkom domu Parlamenta Federacije Bosne i Hercegovine, dostavlja se

VEZA: Vaš akt broj: 03-02-539-1/23 od 06.07.2023. godine

U vezi Vašeg akta, broj i datum veze, kojim ste dostavili na nadležni postupak prijedlog zaključaka koje je predložila Adisa Kokić – Hinović, zastupnik u Zastupničkom domu Parlamenta Federacije Bosne i Hercegovine, u vezi očitovanja na prvi predloženi zaključak i to: „Da resorno ministarstvo hitno formira interdisciplinarnu radnu grupu i pristupi izmjeni i dopuni Porodičnog zakona Federacije BiH s ciljem osnaživanja i unapređenja porodice u FBiH“, u okviru nadležnosti, dostavljamo izjašnjenje kako slijedi:

Dana 07.06.2023. godine, federalni ministar pravde je održao radni sastanak sa predstavnicom UNICEF-a u Bosni i Hercegovini, dr. Rownak Khan i suradnicima.

Na navedenom sastanku je naglašena dosadašnja uspješna saradnja dviju partnerskih institucija kroz projekt „Pravda za djecu“. Zaključeno je da je pitanje zaštite prava djeteta potrebno dodatno naglasiti u procesu predpristupnih pregovora Bosne i Hercegovine s Europskom unijom.

Dogovorene su zajedničke aktivnosti na izradi analiza Porodičnog zakona Federacije Bosne i Hercegovine i Zakona o zaštiti i postupanju sa djecom i maloljetnicima u krivičnom postupku, te formiranje Komisije za praćenje i unapređenje rada organa krivičnog postupka i izvršenje kaznenih sankcija.

Nadalje, Federalno ministarstvo pravde je u saradnji sa Misijom OSCE-a u BiH i UNICEF-om organiziralo okrugli stol dana 26.06.2023. godine, na temu pitanja snižavanja dobne granice za krivičnu odgovornost djece i pozvalo predstavnike akademske i pravosudne zajednice te predstavnike drugih profesija koje blisko saraduju sa krivičnim pravosuđem u pogledu adekvatne reakcije na krivična djela počinjenja od strane i na štetu djece i maloljetnika.

Okrugli stol je okupio predstavnike nadležnih i relevantnih institucija u Federaciji BiH, i to akademske zajednice, relevantnih ministarstava, pravosudne zajednice, policije, disciplinskih i kaznenih institucija, institucija socijalnog rada,

zdravstva i obrazovanja, zastupnika u zakonodavnim tijelima te predstavnike međunarodne zajednice u BiH.

Uvodničari na Okruglom stolu bili su federalni ministar pravde Vedran Škobić, potpredsjednik FBiH Igor Stojanović, predstavnik UNICEF-a dr. Rowan Khan, te direktor Odjela za ljudsku dimenziju Misije OEES-a u BiH Ivo Lupis.

Također naglašavamo da je okruglom stolu prisustvovalo 60 predstavnika akademske i pravosudne zajednice zajedno sa panelistima: prof. dr. Vedad Gurda, Pravni fakultet Univerziteta u Tuzli, Jasmina Kosović, bivša sutkinja i ekspertica u domenu maloljetničkog pravosuđa, Advija Hajdo - Balta, tužiteljica i rukovoditeljica odjeljenja za maloljetnike Kantonalnog tužilaštva Kantona Sarajevo, Dženita Ljuca, socijalna radnica u javnoj ustanovi Kantonalni centar za socijalni rad Sarajevo te Melisa Vardo, psihologinja u Kantonalnom tužiteljstvu Zeničko – dobojskog kantona.

Cilj održavanja okruglog stola je bio da se iz naučne i stručne perspektive razmotri ovo pitanje i ponudi kvalitetne odgovore utemeljene na međunarodnim pravnim standardima koji obavezuju Bosnu i Hercegovinu, zakonodavstvom i najboljim praksama.

Nadalje, Federalno ministarstvo pravde će u narednom periodu Vladi Federacije Bosne i Hercegovine dostaviti informaciju u vezi Inicijative potpredsjednika Federacije Bosne i Hercegovine Igora Stojanovića za izmjenu Krivičnog zakonodavstva u Federaciji Bosne i Hercegovine sa zaključcima sa okruglog stola.

Zaključno, na nivou Federacije je na snazi Zakon o zaštiti i postupanju sa djecom i maloljetnicima u krivičnom postupku ("Službene novine Federacije BiH", br. 7/14 i 74/20) i Porodični zakon Federacije Bosne i Hercegovine ("Službene novine Federacije BiH", br. 35/05, 41/05, 31/14 i 32/19 - Presuda Ustavnog suda Federacije BiH broj: U-22/16) te je u narednom razdoblju planirana sveobuhvatna analiza postojećih zakonskih rješenja u saradnji sa UNICEF-om a nakon toga izrada izmjena, dopuna ili novih zakona sa imperativom na osnaživanju i unapređenju porodice i djece u Federaciji Bosne i Hercegovine.

S poštovanjem,


MINISTAR

Vedran Škobić

Dostaviti:

1. Naslovu,
2. a/a.